



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Art. IV. An supposita efficaci & absoluta intentione finis, si unum tantùm occurat medium ad illum obtainendum, voluntas ad ejus electionem necessitetur?

---

[urn:nbn:de:hbz:466:1-77355](#)

<sup>44</sup> id quod ex sua intrinseca bonitate æquale & in-differens est. Et in hoc magna lateret & quicunque voluntas & hallucinatio apud Adversarios : cùm enim voluntas eligat illud objectum, quia vult, & ly quia possit dicere & causam efficientem, seu eliciente, & causam objectivam, seu allicientem : existimant non requiri, quòd libertas voluntatis se habeat ut ratio motiva & alliciens, sed sufficere quòd se habeat ut effectiva & eliciens sine novo motivo. Nos verò dicimus utrumque desiderari, & non sufficere ut libertas voluntatis effectiva, seu elicitiva ad tales electiones concurrit, sed insuper requiri, quòd objectiva seu motivè in eam influat : quia homo non inveniens in minori aut æquali bono quod moveat sufficienter ex meritis objecti, apprehendit & proponit voluntati pro motivo eligendi suam libertatem, seu placitum gratuitum, quod applicat huic objecto, & ex tali applicatione facit quod præmineat, & magis ponderet, magisque voluntatem alliciat & inclinet, quam aliud magis vel æquè bonum : unde licet tunc eligat id quod minus est bonum ex parte rei electæ in se, semper tamen eligit id quod est majus & convenientius ex parte motivi.

<sup>45</sup> Objicies quartò : Voluntas non est minus libera in electione mediiorum, quam in finis intentione. Sed potest intendere finem minus bonum, relicto meliori, & præferre matrimonium v. g. celibatu aut religione, que est multò perfectionis : unde S. Thomas qu. 23. de verit. art. 8. dicit quod *Non est perversitas electionis, si homo in appetendo preferat minus bonum majori bono; non enim tenetur homo prosequi meliora semper in operando*. Ergo etiam potest eligere minus bonum, relicto meliori.

<sup>46</sup> Respondeo concessò Majori, negando Minorem : eadem enim est ratio de intentione finis, ac de electione mediiorum ; unde licet ex duobus finibus possit quis velle illum, qui secundum se & materialiter deterior est, semper tamen vult illum, qui ex parte motivi seu dictaminis judicatur melior, aut convenientior subjecto illum intendenti. Ad D. Thomam dicendum est, illum in eo loco solum docere quòd non tententur homines semper eligere meliora, v. g. statum religionis, sed rectè possunt eligere minus bona, purum statum conjugalem : verum licet qui eligit tunc statum conjugalem, relinquit quod melius est in se, & quod melius judicatur iudiciorum speculativò, scilicet religionem; eligit tamen quod iudiciorum practicò judicat hic & nunc sibi esse magis conveniens, scilicet uxorem ducere.

<sup>47</sup> Objicies ultimò : Deus de facto elegit minus bonum, relicto meliori : Ergo à fortiori id potest voluntas humana. Consequentia patet : tum quia nostra voluntas est quædam participatio voluntatis divinae : tum etiam quia voluntas Dei magis inclinata est ad bonum, quam voluntas hominis. Antecedens verò probatur : Deus elegit ipsum mundum condere, potius quam alium, & tamen potuit alios mundos in infinitum istò præstantiores creare, ut docet D. Thomas i. p. qu. 25. art. 6. Item Christus potuit perfectiora Sacra menta instituere, perfectiores Apostolos eligere, & sic de cæteris : Ergo Deus potest eligere, & de facto elegit minus bonum & perfectum, relicto meliori & perfectiori.

<sup>48</sup> Respondeo primò, concessò Antecedenti, negando Consequentiam & paritatem : quia ut docet D. Thomas i. p. qu. 20. art. 2. hæc est dif-

ferentia inter voluntatem Dei & nostram, quòd voluntas divina non supponit, sed ponit bonitatem in rebus quas diligit & eligit ; unde non idè illas eligit, quia sunt magis bona ; sed potius ex dilectione & electione Dei, majorem vel minorem prout vult bonitatem participant.

Addo quod, cùm Deus in operibus ad extra intendat manifestationem sue gloriae, quæ magis reluet in hoc quod per media magis improportionata attingat finem quem intendit, non mirum quod interdum eligat creature minus nobiles & perfectas, & media quæ ex se videntur minus apta ad finem obtainendum : sicut quando per homines pauperes, indoctos, & inermes, fidei subjecit Reges, Oratores, & Philosophos, ac mundum universum. Unde Apostolus i. ad Corinth. 1. *Quæ stulta sunt mundi elegit Deus, ut confundat sapientia, & infirma mundi elegit Deus, ut confundat fortia, &c.*

<sup>49</sup> Secundò responderi potest, quòd licet Deus non semper eligit aut faciat quod melius & convenientius est ex parte rei electæ, seu ex parte intrinsecæ bonitatis rei in se, benè tamen quod est melius ex parte motivi eligendi : quod minimum est sua libertas, seu placitum gratuitum suæ voluntatis, quod applicat objecto cui vult, & ex tali applicatione facit quod res in se minus bona, & perfecta entitativer, præmineat & in ordine eligibili præpondere meliori & perfectiori, ut antea exposuimus.

#### ARTICULUS IV.

*An supposta efficaci & absoluta intentione finis, si unum tantum occurrat medium ad illum obtainendam, voluntas ad eius electionem necessitetur.*

<sup>50</sup> P ARTEM negativam tenent Nominales, ut refert Suarez h[ic] disp. 8. scđt. 4. affirmativa tamen communis est apud Doctores tam domesticos, quam extraneos. Cum quibus

Dico : Stante volitione efficaci finis, necessariò sequitur electio medij, quod intellectus judicialis esse unicum ad obtainendum finem. Ita colligitur ex D. Thoma h[ic] art. 6. ubi querit an homo eligit ex necessitate, & contra partem negativam, in cuius favorem absolute concludit, obiectum primò, sic se habere finem ad electionem, sicut principia ad conclusiones : ex principiis autem conclusionem necessariò sequi, ac proinde ex fine aliquem necessariò moveri ad electionem : Cui arguendo respondet quod non semper ex principiis ex necessitate procedit conclusio, sed tunc solum quando principia non possunt esse vera, si conclusio vera non sit ; & similiter non oportere quod semper ex fine insit homini necessitas ad eligendum ea quæ sunt ad finem, quia non omne quod est ad finem tale est, quod sine eo finis haberi non possit, aut si tale sit, non semper sub talia ratione consideratur. Quibus verbis insinuat Doctor Sanctus, quod si illud quod est ad finem sit tale, ut sine eo finis haberi non possit, debet necessariò eligi, supposita efficaci intentione finis. Unde i. p. qu. 19. art. 3. sic ait : *Ea quæ sunt ad finem non necessariò voluntas, volentes finem, nisi sint talia sine quibus finis esse non potest : sicut volumus cibum, volentes conservationem vita, & navem, volentes transire.*

A a iii